



## Ūn-tōng Tióh-sī Seng-óah ê Sít-chiàn!

Tōa-thâu-liân

Se<sup>n</sup> tī Tâi-ōan, m̄-sī lí hō siā-hōe kái-piàn, tióh-sī lí khì kái-piàn siā-hōe. Siū Ti-Káu Kàu-iòk tōa-hàn ê gín-á, bō su-sióng, bō jīn-keh, khòa<sup>n</sup> bē-tiòh ka-kī, mā khòa<sup>n</sup> bē-tiòh sè-kài.

Ka-chài, tāi-hák sî-tāi chiap-chhiok “ūn-tōng” liáu-āu, góa khòa<sup>n</sup> chheng-chhó thé-chè ê pún-chit, mā khòa<sup>n</sup> chheng-chhó ka-kī, chai-iá<sup>n</sup> ka-kī beh tui-kiû siá<sup>n</sup>, koh khah chai-iá<sup>n</sup> ka-kī m̄ kam-gōan gōng-gōng chò lô-lē.

“Ūn-tōng” sī teh hóan ap-pekk, beh phah-phòa niú-khiok ê kè-tát-koan, tēng-sin chhiau-chhōe lâng ê kè-tát, khí-chō sin kok-ka, sin siā-hōe, kā chit-ê gōan-cheek chiâ<sup>n</sup>-chò ka-kī ê chû-thé i-sek, iōng chit-ê tiong-sim su-sióng khì chham-ú tòk-lip ūn-tōng, hū-lú tháu-pàng ūn-tōng, bō-gí ūn-tōng, kang-lâng ūn-tōng, khôan-pó ūn-tōng, gōan-chū-bîn ūn-tōng....., ūn-tōng sī chôan-bîn-sèng--ê, kan-ta cheng-chha lí sī khiā tī toh 1-ê ūi chhut-hoat nā-tiā<sup>n</sup>.

M̄-kú chit 3-tang, tī 1-kóa siā-ūn khø-á khòa<sup>n</sup>-tiòh ê hiān-sióng sòa m̄-sī án-ne: hoah Tâi-tòk..ê, bō beh kóng kai-kip; bú kang-ūn..ê, bō teh chun-tiōng cha-bó-lâng; chò lú-kôan..ê, bē khì su-khó

bó-gí ê tiōng-iàu....., chit-kóa siā-ūn thôan-thé chiú tī ka-kī ê khø-á lâi-té, chiâng (1-ê lâng) chò 1-khôan, án-ne lôh--lâi, Vision siu<sup>n</sup> éh, mā bō hoat-tō khui-khoah. Chioh-mñg, nā kan-ta beh cheng-chhú kok-ka tòk-lip ê khang-khak-á, bō beh thó-lūn sin kok-ka ê lœ-hâm kap bûn-hòa, án-ne beh ài chit-chióng kè-siök lâng-chiâh-lâng ê kok-ka chhòng siá<sup>n</sup>? Nā kan-ta beh cheng-chhú kang-lâng lī-ek, bō beh kiám-thó hiān-chhú-sî ê hū-kôan thé-chè, án-ne cha-bó-lâng ê kai-kip tē-ūi tī toh-ūi? Nā kan-ta beh cheng-chhú lú-kôan, kái-siān seng-óah khôan-kéng, bō beh lóng-phòa kok-ka ki-khì, siau-biát thóng-tī chip-thôan, án-ne lán ê gín-á kāng-khôan bē-hiáu kóng bō-gí, óh--tiòh..ê sī thóng-tī-chiá àu-tah ê bûn-hòa, Tâi-ōan-lâng iû-gôan hō Ti-á kóan.

Kū-nî nî-té, kap pêng-iú khì kang-hōe chiâh bôe-gê, pún-té siū<sup>n</sup> kóng, chioh chit-ê ki-hōe khì kám-siū kang-hōe ê khì-hun, mā sék-sâi tñg-kú í-lâi bú kang-ūn ê siân-pái, tiòh hèng-phut-phut kap pêng-iú khòk hóe-chhia lôh-lâm, khì kàu hōe-tiû<sup>n</sup>, lâng chiâ<sup>n</sup> chē, khì-hun mā put-chí sio-lō, m̄-kú kap góa thâu-khak lâi siū<sup>n</sup>..ê, thia<sup>n</sup>..ê bô-kâng, tian-tò sī sóan-kí-tiû<sup>n</sup> ê khì-hun, hit-chün tng beh sóan kôan-gî-ōan, kui-tiû<sup>n</sup> lóng-sī hâu-sóan-jîn teh châu-chhóng pài-phiò, koh 1-ê 1-ê pâi-tüi khì tâi-á-téng kóng-ōe, pún-té hèng-phut-phut ê sim-chiâ<sup>n</sup> sòa chhek-1-ê. Khui-toh liáu, chû-chhî-jîn òa<sup>n</sup>-chò 1-ê chhêng-chhah chiâ<sup>n</sup> hiam ê cha-bó-lâng, hōe-tiû<sup>n</sup> ê khì-hun sùi koh piän-khôan, “辣妹” 1-ê 1-ê òa<sup>n</sup>, sa<sup>n</sup> jú chhêng jú chió, tōng-chok jú lâi jú ín-tōng cha-po-lâng ê gôan-sú iòk-bōng, koh ê

lōh-khì tāi-á-kha kap cha-po-lâng “sin-thé hō-tōng”, kui-tiûⁿ ê phòk-á-sia<sup>n</sup>, hoah-hiu-sia<sup>n</sup>, hō góa lak jíp-khì “chiú-tiàm” hām “niau-á-keng” ê khong-kan lāi-té, kang-hōe kàn-pō kap ôan-kang 1-ê 1-ê piàn-chò siau-hùi cha-bó-lâng sin-thé ê lâng-kheh, sió-chiá tī lâng-kheh ê bák-chiu chêng thng kah kng-kng-kng, tī in ê sin-khu téng-kôan nòa-lâi nòa-khì, siàu-liân..ê tòng bē-tiâu, phī<sup>n</sup>-khang-hoeh sūi chōa<sup>n</sup>--chhut--lâi. Soah-tiûⁿ ê sī, thia<sup>n</sup> tiòh 1-ê kang-hōe kàn-pō kā lâng phín kóng: “Chhià<sup>n</sup> chit-thôan chiah bān-5 khø niâ, lín nā ū su-iàu, ē-sái chhōe..góa, góa kap in chiâ<sup>n</sup> sek.....”. Góa 1-sī pun bē chheng-chhó sī tī kang-hōe chiâh bóe-gê, á-sī tī “gû-bah-tiûⁿ” hō lâng chau-that?

Pān chit-chióng bóe-gê, tui cha-bó kang-lâng ê chun-tiōng tī toh-ūi? Kang-hōe sī kang-lâng kàu-iòk kap chiàn-tàu ê chor-chit, sī beh thiau-chiàn chit-ê thé-chè, siā-hōe tui cha-bó-lâng phī<sup>n</sup>-siù<sup>n</sup> bô chun-chhün, tong-jiân mā sī thiau-chiàn ê tui-siòng, chit-má ê lâng sòa piàn-chò chhùi--nih kóng teh chò ūn-tōng, hiān-sít seng-óah tian-tò teh chau-that cha-bó-lâng.

Ūn-tōng ê gôan-chek sī tī seng-óah tiong kiám-giām..ê, chò..ê kap kóng..ê bô it-tì, beh án-chóa<sup>n</sup> kā lâng kóng lí teh chò ūn-tōng? Lí ê jîn-keh beh án-chóa<sup>n</sup> hō lâng sìn-hòk? M̄-bián siau-hùi cha-bó-lâng ê sin-thé liáu-āu, chiah koh khan-thoa kui-tui lí-iû lâi pôe-hōe, ka-kī to bô-hoat-tō kian-chhî ūn-tōng ê gôan-chek--a, beh án-chóa<sup>n</sup> ín-tōng Tân-ôan kek-bēng ê éng? Chò ūn-tōng bô siá<sup>n</sup>, ták-ê lóng ē-hiáu hoah, tiōng-iàu..ê sī lí án-chóa<sup>n</sup> kā lí-liām lók-sít tī

seng-óah--nih, kek-bēng chiah sī ùi seng-óah tiong khai-sí!

(Chok-chiá sī TGB Hak-seng Tân-ôan Gí-bùn Chhiok-chìn-hōe sêng-ôan)



## Tâi-gí CTT

Tiu<sup>n</sup> Chi-jiû

Kóng Tân-gí, ōe Tân-gí,  
Sim-sek hó-thia<sup>n</sup> koh chhù-bī.  
Sio-chio tau-tīn lâi pià<sup>n</sup>-sì,  
A-bú ê ōe khiā hō khí.  
M̄-thang khêng-hun lí, góa, i  
Kāng-sim Kap-chō bōk tiû-tī.  
POJ chhut-thâu ê jit-chí,  
Ng-bāng chiū-chāi hiān-chhú-sī.

